



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-459-5/25**
Datum: **08.12.2025. godine**

„Agencija za vodno područje rijeke Save“ Sarajevo rješavajući po zahtjevu pravnog lica „BINGO“ d.o.o. Tuzla, za donošenje rješenja o vodnoj dozvoli za ispuštanje otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada farme za tov pilića sa pratećim objektima, izgrađene u naselju izgrađene u mjestu Gornja Špionica, općina Srebrenik, na osnovu 139. stav (1) tačka 3. i 10. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi:

R J E Š E N J E **o vodnoj dozvoli**

1. Pravnom licu „BINGO“ d.o.o. Tuzla, daje se vodna dozvola za ispuštanje otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta voda kao posljedica rada farme za tov pilića sa pratećim objektima, kapaciteta 60000 pilića po turnusu, izgrađene u naselju Gornja Špionica, općina Srebrenik, na zemljištu označenom kao k.č. broj: 31/5 K.O. Špionica Gornja.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Da korisnik „BINGO“ d.o.o. Tuzla, izgrađene objekte farme za tov pilića sa pratećim objektima, održava u funkcionalnom stanju i koristi u skladu sa njihovom namjenom i uslovima iz ove vodne dozvole.
 - 3.2. Da se zbrinjavanje otpadne vode od pranja objekta i opreme za tov pilića vrši u izgrađenim vodonepropusnim sabirnim jamama bez preliva.
 - 3.3. Da se čišćenje separatora i pratećih elemenata vrši po potrebi a minimalno jednom godišnje, te odvoz i konačno zbrinjavanje otpadnog mulja i taloga, kao i opasnog otpada sa lokacije predmetne poslovnog objekta može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
 - 3.4. Da se čišćenje i pražnjenje vodonepropusne sabirne jame bez preliva, u koju se zbrinjavaju tehnološke otpadne vode od pranja objekta i opreme, vrši pravni subjekt ovlašten za tu vrstu djelatnosti, prema posebnom ugovoru.
 - 3.5. Da se spriječi nekontrolisano rasipanje tečnog i krutog otpada po okolnom zemljištu, te da se aplikacija đubriva na poljoprivredne površine vrši u skladu sa pravilima dobre poljoprivredne prakse i van područja vodnog dobra i zona sanitarne zaštite vode za piće, a u cilju zaštite podzemnih i površinskih voda.
 - 3.6. Da korisnik obavezno praktikuje suho čišćenje prije pranja vodom, da bi se uklonile organske nečistoće sa radnih površina, trošilo manje vode za pranje i time smanjilo zagađenje u otpadnim vodama.
 - 3.7. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
 - 3.8. Otpad koji nastaje u postupku rada farme koka nosilja, te mulj iz postrojenja za prečišćavanje otpadnih voda ne smije se odlagati na česticu «vodno dobro», odnosno u vodotoke i na njegove obale.
 - 3.9. Da se privremeno i konačno zbrinjavanje otpada uginulih pilića i drugih nusprodukata koji nastaju u postupku rada farme koka nosilja, vrši u skladu sa Zakonom o veterinarstvu i Pravilnikom o načinu postupanja sa životinjskim lešinama i otpadom životinjskog porijekla i propisima iz oblasti zaštite okoliša.

- 3.10. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
- 3.11. Investitor je obavezan pridržavati se svih mjera i uslova, propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 16. tabele, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U slučaju vanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvjestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog poslovnog objekta sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godine od dana pravosnažnosti ovog rješenja.
9. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
10. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

O b r a z l o ž e n j e

Pravno lice „BINGO“ d.o.o. Tuzla obratilo se ovoj Agenciji zahtjevom broj P-4315/25 od 20.10.2025. godine, za donošenje rješenja o vodnoj dozvoli za ispuštanje otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada farme za tov pilića sa pratećim objektima, kapaciteta 60000 pilića po turnusu, izgrađene u naselju Gornja Špionica, općina Srebrenik, na zemljištu označenom kao k.č. broj: 31/5 K.O. Špionica Gornja.

U provedenom postupku dostavljena je i pregledana sljedeća dokumentacija:

A. Opšta dokumentacija

- Rješenje o izmjenama podataka o registraciji broj: 032-0-Reg-25-000779 od 04.06.2025 godine izdato od strane Općinskog suda u Tuzli-ovjereni kopija,
- Ovjereni kopija Uvjerenja o poreznoj registraciji izdatog dana 05.02.2013. godine od strane Porezne uprave Federacije BiH-Kantonalni porezni ured Tuzla,
- Uvjerenje o registraciji/upisu u Jedinostveni registar obveznika neizravnih poreza broj: 04/1-17-1-UPJR/1-1558-2/13 od 10.05.2013 godine, izdatog od strane Uprave za indirektno-neizravno oporezivanje Banja Luka-kopija,
- Rješenje o odobrenju za građenje broj 12-04/1-23-031770/14 od 28.01.2025 godine izdato od strane Ministarstva prostornog uređenja i zaštite okolice Tuzlanskog kantona-ovjereni kopija,
- Rješenje o odobrenju za upotrebu predmetnog objekta broj: 12-04/1-23-003544/15 od 02.10.2015 godine izdato od strane Ministarstva prostornog uređenja i zaštite okolice Tuzlanskog kantona-ovjereni kopija,
- Rješenje o vodnoj dozvoli broj: UP-I/25-3-40-426-4/20 od 02.12.2020 godine izdato od strane „Agencije za vodno područje rijeke Save“ Sarajevo,

- Prateći /transportni list br. 451-04/22 od 15.04.2022 godine o čišćenju separatora i zbrinjavanju opasnog otpada od strane „KEMEKO-BH“ d.o.o. Lukavac,
- Radni nalog o čišćenju separatora i zbrinjavanju opasnog otpada od strane „KEMEKO-BH“ d.o.o. Lukavac od 18.11.2025 godine,
- Ugovor o čišćenju sabirnih jama zaključen sa JP „Vodovod i kanalizacija“ d.o.o.Živinice, dana 12.11.2019 godine,
- Radni nalog stroja broj: 049/25 od 19.11.2025 godine od strane JP „Vodovod i kanalizacija“ d.o.o. Živinice
- Dokaz o uplaćenju upravnoj taksi.

B. Tehnička dokumentacija

- Glavni projekat –vanjsko uređenje, farma za tov pilića na zemljištu k.č. 31/5 K.O. Špionica Gornja, općina Srebrenik, urađen od strane „Atrus projekt“ d.o.o. Živinice, novembar 2014. godine – uvid prilikom uviđaja.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. Stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata, izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-459-2/25 od 21.11.2025. godine.

Uvidom u dostavljenu dokumentaciju i izvršenim uviđajem na licu mjesta može se konstatovati sljedeće: Kompleks farme za tov pilića nalazi se u naselju Špionica Gornja, općina Srebrenik. Objekti za tov pilića projektovani su za kapacitet od 60 000 komada pilenki (4 objekta po 15 000 pilića).

Objekti na lokaciji farme za uzgoj koka nosilja su: 4 objekta za piliće, kotlovnica na čvrsto gorivo, pred prostor, kancelarija, septička jama, sabirne jame, pomoćni objekat i dr.

Objekat se snabdijeva pitkom vodom iz gradskog vodovodnog sistema.

Otpadne vode od pranja objekta i opreme nakon završenog turnusa, se sistemom rigola u objektu za smještaj pilića za tov, odvođe putem kanalizacije otpadnih voda u dvije vodonepropusne sabirne jame bez preliva, zapremine $V=130 \text{ m}^3$.

Prije ispuštanja u recipijent (otvoreni odvodni kanal) oborinske vode se prečišćavaju na taložnik-separatoru sa koalescentnim filterom. Iza separatora je izgrađeno monitoring okno. U trenutku uviđaja vršeno je čišćenje objekata nakon turnusa te je utvrđeno da se na manipulativnim i saobraćajnim površinama nalazilo rasutog stajskog đubriva od čišćenja.

Otpadna voda iz sabirne jame se zbrinjava od strane JP Vodovod i kanalizacija d.o.o. Živinice.

Vanjski dio kruga je uređen, odnosno asfaltiran, ovičen, sa ugrađenim slivnicima i kanalizacionom mrežom .

Đubrivo iz predmetne farme se privremeno skladišti u natkriveni i ograđeni prostor a potom odvozi na poljoprivredne površine.

Pranje objekata se vrši poslije smjene turnusa pilića za tov.

Na lokalitetu ne postoji izgrađena javna kanalizaciona mreža.

Na predmetnoj lokaciji se ne vrši klanje pilića a isto se vrši prema sklopljenom ugovoru.

U odgoju dolazi do planiranog mortaliteta (uginuća životinja). Uginule životinje se specijaliziranim vozilom odvoze na stočno groblje Kalesija.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva „Bingo“ d.o.o. Tuzla, ispunio minimum uslova za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta voda kao posljedica rada poslovnog objekta – farme za tov pilića sa pratećim objektima, te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», br. 6/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Ahmedić Behija dipl.inž.tehn.

Po ovlaštenju
Rukovodilac sektora za izdavanje vodnih akata


Nihad Pezo, dipl.inž.grad.

Dostaviti:

- «Bingo» d.o.o. Tuzla, Bosanska Poljana bb, Tuzla
- Ⓞ AVP Sava, ISV – Vodna knjiga
- Sektor 50
- Sektor 40, arhiva
- Oglasna tabla AVP-Sava Sarajevo